

Fakamalamalama o te tafapili o na tino ki he tino kua maua i te KOVITI-19 (Vaega 3 o te Omicron)

Fakamatalaga Fou na faia i te aho 14 o Ma'asi ma te Taimi



Heā te kehekehega o he tino kua maua i te famai ma: te kāiga o he tino kua maua i te famai?

Tino kua maua: He tino kua mautinoa i tana hiakiga kua maua i te KOVITI-19.

Kāiga o he tino kua maua: Ko na tino e nonofo fakatahi ma he tino kua maua i te famai.

He tino faigaluega tāua: Ko he tino e faigaluega mo he tautuaga tāua pe he fakalapopotoga. E aofaki ai na hupamaketi, ola mālōlō ma na tautuaga mo na fakalavelave fakafuaheki, auala o femalagaakiga ma na tino e faigaluega i na fale e laku mai ai na hapalai a na koloa.

Ko na tino nae tafapili ki he tino kua maua, na tino e hohoko mai ki ei ka kua hē afaina i na fakatapulāga o te KOVITI-19, KAE ko koe e tatau ke matau na āuga e ke maua ma fai ho hiakiga kafai e fakalogo ko koe kua kamata tauale.

Kafai ko koe kua maua i te KOVITI-19. Tuku atu ki luga i kinei te tali o tau hiakiga mycovidrecord.health.nz

Nofo puipua mo ni aho e 10

Fakamuamua tau malologa ma te toe maua o to malohi

Tuhi ki lalo ma fakamaumu ina aho takitahi na āuga e ke maua pe vehea foki au

Lea ki na tino na mafuta mulimuli koe ki ei ko koe kua MAUA ite famai ma e tatau ke mātau na āuga e kilatou e maua

Ko koe e mafai ke fano kehe mai to nofo puipua i te fale kafai kua katoa te 10 aho ma kua ke lagona ko koe kua malohi, ma kua hēai ni āuga e ke lagona. E hē manakomia ke toe fai ho hiakiga

Ko te lahiga o te taukikilaga o to ola mālōlō ka fai lava e koe. E avanoa na fehoahoaniga i luga o te neti ma te telefoni. E mafai ke fano koe kikila he fomai kafai e manakomia e koe.

Kāiga o te tino kua maua i te famai. (He tino i te kāiga nae mafuta ma he tino kua maua)

Nofo puipua mo ni aho e 10

E tatau ke fai hau hiakiga e fakaagā ai te RAT i te aho 3 ma te aho 10 (toe aho e nofo puipua ai)

Kafai ko koe kua MAUA ko koe e tatau ke kamata tau nofo puipua mo ni aho e 10. Tuku atu ki luga i kinei te tali o tau hiakiga mycovidrecord.co.nz ma filifili te numela 3

Ko koe e mafai ke fano kehe mai to nofo puipua i te fale kafai kua katoa te 10 aho ma kua ke lagona ko koe kua malohi, ma kua hēai ni āuga e ke lagona.

He tino faigaluega tāua nae tafapili ki he tino o tona kāiga kua maua i te famai

Ko koe e ono mafai ke galue pea kafai ko koe e malohi ma e hēai foki ni āuga e ia te koe

Ko koe e manakomia ke fai hau RAT hiakiga i na aho takitahi e galue ai koe i loto o te taimi e nofo puipua ai koe. Ko koe e mafai oioti ke fano ki te galuega ma toe foki ki te fale heiloga kua katoa te 10 aho o tau nofo puipua

Kafai ko koe kua MAUA kua tatau loa ke kamata to nofo puipua mo ni aho e 10. Tuku atu ki luga i kinei te tali o tau hiakiga mycovidrecord.health.nz pe telefoni ki te numela 0800 222 478, ma filifili te numela 3

Ko na tino faigaluega fakatehoifua mālōlōina e ono fakatagi atu ke toe uhu ki na galueaga e tuha pe kua maua i te famai. E iei na faiga mo te haogalēmu kua fakatatia

Kafai ko koe kua maua, ko te lahiga o te taukikilaga o to ola mālōlō ka fai lava e koe. E avanoa na fehoahoaniga i luga o te neti ma te telefoni. E mafai ke fano koe kikila he fomai kafai e manakomia e koe.

I te Vaega 3 i te Tautali atu ki te Omicron, ko te kautu o na hiakiga e fakaagā te Rapid Antigen Testing (RAT). E mafai ke maua e koe na hiakiga ienei RAT ma te PCR (hukega e fai i te ihu) e hēai he totogi mai na Community Testing Centres pe ko tau Fomai. I lalo o te Vaega 3, ka mafai foki ke fakatau e koe mai na faletalavai ma na falekoloa. Tuku atu ki luga i kinei te tali o tau hiakiga mycovidrecord.health.nz pe telefoni ki te numela 0800 222 478 ma filifili te numela 3.